

## UGOVOR O NABAVCI NAMJEŠTAJA

zaključen dana 10.03. 2021 godine u Sarajevu između ugovornih strana:

1. **Stomatološki fakultet sa klinikama Sarajevo**, Bolnička br. 4a, koju zastupa dekan prof. dr. sc. Muhamed Ajanović (u daljem tekstu Kupac)

Identifikacioni broj: 4200542470007  
Poreski broj: 01073987  
Transakcijski nr: 1411965320008475  
Budžetska organizacija: 2104024

2. **Inter-com d.o.o. Zenica**, iz Zenice, Ulica Vrandučka, br. 71B kojeg zastupa Safet Škaljić, dipl. ecc. (u daljem tekstu Prodavac)

Identifikacioni broj: 4218087760006  
Poreski broj: 05005646  
Transakcijski nr: 1610550001530013

### I PREDMET UGOVORA

#### Član 1.

Predmet ovog ugovora je kupovina **namještaja** za koju je proveden otvoreni postupak nabavke i ponuda prodavca broj 02-2-1-48-73-26/20 od 20.01.2021. godine koja je Odlukom Ugovornog organa broj 02-2-1-48-73-37/20 od 22.01.2021. godine ocijenjena kao najpovoljnija i ista je sastavni dio ovog Ugovora.

### II UGOVORENA CIJENA

#### Član 2.

Ugovorena cijena koju će Kupac isplatiti Prodavcu za **namještaj** po ponudi iz člana 1. ovog ugovora ukupno iznosi:

Cijena bez PDV-a: 209.940,00 KM;  
Porez na dodanu vrijednost (PDV 17%): 35.689,80 KM;  
Ukupna vrijednost / cijena sa PDV-om: 245.629,80 KM  
(slovima: dvijestotinečetrestpethiljadašeststotinadvadesetdevet i 80/100 KM).

Cijene su fiksne i ne mogu se mijenjati ni pod kojim uslovima.

### **III TRAJANJE UGOVORA**

#### **Član 3.**

Ovaj Ugovor se zaključuje na određeno vrijeme u trajanju od jedne (1) godine, računajući od dana potpisivanja od strane Prodavca i Kupca.

### **IV NAČIN PLAĆANJA**

#### **Član 4.**

Kupac će nakon isporuke namještaja, ispostavljenih otpremnica, garantnih listova, zapisnika o primopredaji robe, montaže namještaja, izvršiti uplatu ugovorene cijene Prodavcu za naručene količine i vrste namještaja odnosno prema narudžbenicama od strane Kupca i ispostavljenim fakturama od strane Prodavca, i to u roku od 30 dana od dana izdavanja računa na transakcijski račun broj: 1610550001530013 otvoren kod Raiffeisen banke.

### **V NAČIN PREUZIMANJA**

#### **Član 5.**

Prodavac se obavezuje da će isporučiti namještaj koji je predmet ovog Ugovora pod uslovima iz tenderske dokumentacije i prihvaćene ponude, a o čemu će se sačiniti zapisnik o primopredaji. Zapisnik o primopredaji namještaja sačinjava Komisija za primopredaju koja je sastavljena od predstavnika obje ugovorne strane.

#### **Član 6.**

Ukoliko se zapisnički utvrdi da namještaj koji je Prodavac isporučio ima greške ili nije ugovorenog kvaliteta, Prodavac je dužan sve uočene propuste otkloniti u roku od 7 dana od dana sačinjavanja zapisnika, a ukoliko to ne učini u navedenom roku, namještaj koji je predmet reklamacije zamjenjuje se novom.

### **VI ROK ISPORUKE**

#### **Član 7.**

Prodavac će namještaj isporučiti najkasnije u roku od 30 (trideset) dana od momenta narudžbe (Izjave o roku isporuke do krajnjeg roka je sastavni dio Ugovora).

### **VII GARANCIJE**

#### **Član 8.**

Prodavac garantuje da će isporučeni namještaj biti bez oštećenja i nedostataka i funkcionalno ispravan.

Garantni rok za isporučeni namještaj iznosi minimalno 2 (dvije) godine od momenta montaže i puštanja u rad.

Prodavac će u garantnom i postgarantnom periodu izvršiti popravku ili zamjenu rezervnih dijelova na namještaju u roku od najviše 30 (trideset) dana od dana konstatovanja kvara, te isti će snositi sve troškove koji nastanu prilikom eventualne potrebe za transportom namještaja do servisa i nazad.

U okviru garantnog i postgarantnog perioda Prodavac će se u roku od najviše 3 (tri) dana odazvati na poziv Kupca za otklanjanje nastalih kvarova na namještaju, a u slučaju da se namještaj ne može servisirati bit će zamijenjen sa novim.

U garantnom i postgarantnom periodu obezbijeden je certificirani servis i Prodavac će u roku od najviše 30 (trideset) dana od prijema narudžbe isporučiti rezervne dijelove.

Prodavac će obezbijediti 3 (tri) servisera ovlaštena od strane proizvođača za održavanje i servisiranje namještaja.

Otklanjanje kvarova i oštećenja koje prouzrokuje korisnik sam, otklanjanje kvarova zbog pogrešnog rukovanja ili održavanja, ili više sile, izuzeti su iz garancije. Za vrijeme trajanja garancije za namještaj isti ne smije popravljati neovlašteno lice.

Prodavac se obavezuje da prije početka realizacije Ugovora (najkasnije 7 dana od dana potpisa Ugovora) obezbijedi безусловnu bankarsku garanciju za dobro izvršenje posla / ugovora u iznosu od 10% vrijednosti ugovora sa rokom važnosti garancije od 1 godine, koja će poslužiti za pokrivanje štete i troškova koje Ugovorni organ može imati ukoliko izabrani ponuđač prekrši Ugovor o nabavci od potpisivanja ugovora do njegove krajnje realizacije.

## **VIII RASKID UGOVORA I NAKNADA ŠTETE**

### **Član 9.**

Ugovorne strane mogu sporazumno raskinuti zaključeni Ugovor, sporazumom o raskidu Ugovora, kojim ugovorene strane utvrđuju međusobna prava, obaveze i odgovornosti.

U slučaju da jedna od ugovornih strana ne izvršava svoje obaveze u cjelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid Ugovora i naplatu nastale štete.

Prodavcu će se zaračunati ugovorna kazna u iznosu od 1% za svaki dan zakašnjenja od roka završetka ugovorenih obaveza, a obračunava se na ukupnu vrijednost ugovorenih obaveza, a najviše 10 % od vrijednosti ukupnih ugovorenih obaveza.

U svrhu pokrivanja štete i troškova koje Kupac može imati ukoliko Prodavac prekrši ugovor o nabavci od potpisivanja Ugovora do njegove krajnje realizacije, Kupac može koristiti od strane Prodavca dostavljenu безусловnu bankarsku garanciju za dobro izvršenje ugovora u iznosu od 10 % vrijednosti Ugovora.

Ovaj Ugovor se može raskinuti i bez naknade štete drugim stranama, ukoliko do raskida dođe zbog okolnosti koje su izvan volje ugovorenih strana.

## IX RJEŠAVANJE SPOROVA

### Član 10.

Ugovorne strane su saglasne da će eventualne sporove rješavati međusobnim dogovaranjem, a u slučaju da ugovorene strane ne postignu dogovor o spornim pitanjima za rješenje spora nadležan je sud u Sarajevu.

## X OSTALE ODREDBE

### Član 11.

Ugovorni organ nema pravo zapošljavati, u svrhu izvišenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju Ugovora, odnosno od početka realizacije Ugovora.

### Član 12.

Ovaj Ugovor stupa na snagu danom potpisivanja od strane ovlaštenih predstavnika ugovornih strana.

### Član 13.

Ovaj Ugovor se zaključuje na određeno vrijeme u trajanju od 1 (jedne) godine od dana zaključivanja.

### Član 14.

Ovaj ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka.



Prodavac

Direktor, Safet Skaljić, dipl. ecc.

Sarajevo, 10.03. 2021.

Broj: 83-03/21

M. P.

Kupac

Dekan, prof. dr. sc. Muhamed Ajanović

Sarajevo, 25.02.2021.

Broj: 02-2-1-48-73-40/20

M. P.

